



Տ. ԵՂԻՇԵ ԵՊԻՍԿՈՊՈՍ ԿԻՋԻՐՅԱՆ

Ծնվել է 1926 թվականի հուլիսի 15-ին Դամասկոսում (Սիրիա): Նախնական կրթությունը ստացել է տեղի ազգային Թարգմանյաց վարժարանում:

1940 թվականին ընդունվում է Ամթիլիասի Դպրեվանքի Ժառանգավորաց վարժարան և 1944 թվականին Տ. Եփրեմ արքեպիսկոպոսից ձեռնադրվում է սարկավագ:

1947 թվականին ավարտում է Դպրեվանքի ընծայարանի բաժինը և նույն թվականին կուսակրոն քահանա է ձեռնադրվում Տ. Դերենիկ եպս. Փղաղյանի կողմից:

Այնուհետև Կաթողիկոսարանից ներսվարում է մի շարք պաշտոններ, լինում է «Հասկ» պաշտոնաթերթի վարիչ, կալվածոց տեսուչ, Դպրեվանքի և Ամթիլիասի ազգային Մեսրոպյան վարժարանի ուսուցիչ:

Ապա Տ. Գարեգին Կաթողիկոս Հովսեփյանցի բարեհաճ արտոնությամբ և ԱՄՆ-ի հայոց առաջնորդ Տ. Տիրան արքեպ. Ներսիսյանի հրավերով ժամանում է Ամերիկա և ստանձնում մի շարք եկեղեցիների հոգևոր հովվության պաշտոնը, այդ թվում՝ Նյու Յորքի Ս. Խաչ, Մալմիի Ս. Հովհաննես Մկրտիչ, Ֆիլադելֆիայի Ս. Սահակ—Ս. Մեսրոպ, Նուարկի Ս. Աստվածածին, Ռուտրի Ս. Փրկիչ, Դետրոյտի Ս. Հովհաննես Մկրտիչ, Բոստոնի և Տորոնտոյի (Կանադա) Ս. Երրորդություն եկեղեցիների:

1958 թվականին ստանում է մասնավոր վարդապետական գավազանի իշխանություն ԱՄՆ-ի հայոց առաջնորդ Տ. Մամբրե արքեպ. Գալֆայանի կողմից, այսա ծախագույն վարդապետական աստիճան՝ ԱՄՆ-ի հայոց առաջնորդ Տ. Սիոն արքեպ. Մանուկյանից:

Որոշ ժամանակ նշանակվում է ԱՄՆ-ի

հայոց արևմտյան թեմի առաջնորդական փոխանորդ և խմբագրում «Հայաստանեայց Եկեղեցի»-ն և աշխատակցում «Արմինըն Կարտիրըն» երիտասարդաց պաշտոնա-



թերթի խմբագրության մեջ և վարում է թեմի կիրակնօրյա դպրոցների տեսչությունը: Անդամակցում է թեմական խորհրդին:

Ստեղծապետի պաշտոն է վարում Ամերիկայի արևելյան թեմի Դպրաց դասերու Միության կեդրոնական վարչության մեջ:

Տ. Եղիշե եպիսկոպոսը իր վարչական-հովվական պաշտոնավարության ընթացքում հետևում է նաև աստվածաբանական, երաժշտական և անգլերեն լեզվի դասընթացներին, Նյու Յորքի եպիսկոպոսական, աստվածաբանական դպրոցում ու Բոստոնի համալսարանում:

1982 թվականին Հայոց Հայրապետի քարեհաճ արտոնությամբ նշանակվում է Անգլիայի հայոց հայրապետական պատվիրակ և առաջնորդ:

1982 թվականի փետրվարի 14-ին Մալթաճարում եպիսկոպոս է ձեռնադրվում Անգլիայի հայոց թեմի վրա:

